

Broj: 09-11-6-8-4157-7/26
Sarajevo, 12.06.2026. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, br. 39/14, 59/22 i 50/24), a na prijedlog Komisije za javne nabavke, imenovane Rješenjem, broj: 03-04-3-1722/26 od 20.02.2026. godine, federalni ministar financija/finansija **d o n o s i**

ODLUKU

o izboru najpovoljnijeg ponuđača za javnu nabavu usluga – Održavanje cjelokupnog informacionog sistema FMF (hardware i software) – adaptivno održavanje

I

U cilju odabira najpovoljnijeg ponuđača, nakon provedenog otvorenog postupka javne nabave usluga – Održavanje cjelokupnog informacionog sistema FMF (hardware i software) – adaptivno održavanje, evidencijski broj nabavke: 09-11-6-8-4157-1/26, broj Obavještenja o nabavci sa portala javnih nabavki: 810-1-2-11-3-10/26 od 15.05.2026. godine, Sažetak Obavijesti o nabavi objavljen u „Službenom glasniku BiH – Oglasnik javne nabave“, broj: 36/26, kao najpovoljnija prihvatljiva ponuda ocijenjena je ponuda ponuđača:

- **QSS d.o.o. Sarajevo, s ukupnom cijenom ponude, u iznosu 29.997,00 KM bez PDV-a.**

II

Ponuda ponuđača iz tačke I ove odluke ocijenjena je prihvatljivom, u skladu sa članom 2. stav (1) tačka I) podtačka 1) Zakona o javnim nabavkama.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka, broj: 09-11-6-8-4157/26 od 05.05.2026. godine. Javna nabavka provedena je putem otvorenog postupka. Procijenjena vrijednost javne nabavke za adaptivno održavanje iznosila je 30.000,00 KM bez PDV-a i predviđena je Planom javnih nabavki za 2026. godinu Ministarstva, dio Usluge, pod rednim brojem 4. – Održavanje cjelokupnog informacionog sistema FMF (hardware i software). Obavijest o nabavci, broj: 810-1-2-11-3-10/26 poslana je na objavu 15.05.2026. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavijesti o nabavi objavljen je u „Službenom glasniku BiH – Oglasnik javne nabave“, broj: 36/26.

Tendersku dokumentaciju preuzelo je 17 privrednih subjekata, a 2 ponuđača dostavila su ponude u predmetnom postupku nabavke. Ponude su dostavljene blagovremeno od strane ponuđača QSS d.o.o. Sarajevo i ARTCO GROUP d.o.o. Sarajevo.

Komisija za javne nabavke, imenovana Rješenjem, broj: 03-04-3-1722/26 od 20.02.2026. godine, izvršila je pregled i evaluaciju pristiglih ponuda, te konstatirala da je ponuda ponuđača QSS d.o.o. Sarajevo prihvatljiva, a da je ponuda ponuđača ARTCO GROUP d.o.o. Sarajevo neprihvatljiva.

Ponuda ponuđača ARTCO GROUP d.o.o. Sarajevo, sa registriranim sjedištem u Sarajevu, ID broj: 4202695450008, ocijenjena je neprihvatljivom iz sljedećeg razloga:

* Uvidom u dostavljenu Ponudu utvrđeno je da je ponuđač ARTCO GROUP d.o.o. Sarajevo, kao dokaz ispunjavanja propisanog uvjeta iz Tenderske dokumentacije u smislu tehničke i profesionalne sposobnosti ponuđača: „Minimalno 1 certificiran Microsoft stručnjak, što se dokazuje certifikatom Administering Microsoft SQL Server 2014 Databases ili ekvivalent“, dostavio certifikat Microsoft Certified: Azure Data Fundamentals (DP-900). Komisija je izvršila analizu sadržaja i područja stručnosti obuhvaćenih dostavljenim certifikatom, te utvrdila da isti ne predstavlja ekvivalent traženom certifikatu. Certifikat Administering Microsoft SQL Server 2014 Databases potvrđuje stručne kompetencije za administraciju Microsoft SQL Server baza podataka, uključujući instalaciju i konfiguraciju SQL Server okruženja, upravljanje bazama podataka, implementaciju sigurnosnih postavki, upravljanje korisničkim pravima, backup i restore procedurama, praćenje i optimizaciju performansi, kao i implementaciju rješenja za visoku raspoloživost i oporavak sistema. Nasuprot tome, certifikat Microsoft Certified: Azure Data Fundamentals predstavlja certifikat osnovnog nivoa (Fundamentals) kojim se potvrđuje poznavanje osnovnih koncepata podataka, relacijskih i nerelacijskih baza podataka te osnovnih Microsoft Azure servisa za obradu i pohranu podataka. Predmetni certifikat ne potvrđuje kompetencije za administraciju Microsoft SQL Server baza podataka niti obuhvata praktična znanja iz oblasti instalacije, konfiguracije, održavanja, sigurnosti, backup-a, oporavka i optimizacije SQL Server okruženja. S obzirom da dostavljeni certifikat ne potvrđuje stručne kompetencije koje su sadržajno i funkcionalno uporedive sa kompetencijama obuhvaćenim certifikatom Administering Microsoft SQL Server 2014 Databases, Komisija je zaključila da isti ne predstavlja ekvivalent traženom certifikatu u smislu zahtjeva iz Tenderske dokumentacije.

Za ovaj postupak, Ugovorni organ je predvidio provođenje e-aukcije, ali s obzirom da je samo jedna ponuda prihvatljiva, postupak se okončava u skladu sa članom 69. Zakona.

Nakon izvršenog pregleda i evaluacije pristiglih ponuda, Komisija je dostavila federalnom ministru financija/finansija Zapisnik o pregledu i ocjeni ponuda, broj: 09-11-6-8-4157-6/26 od 11.06.2026. godine zajedno sa Preporukom o izboru najpovoljnijeg ponuđača QSS d.o.o. Sarajevo, s registriranim sjedištem u Sarajevu, ID broj: 4200103980007.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uvjetima iz Tenderske dokumentacije.


U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa članom 2. stav (1) tačka l) podtačka 1) Zakona o javnim nabavkama.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke, mogu izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.



MINISTAR

Toni Kraljević

Dostaviti:

1. Ponuđačima u postupku
2. U dokumentaciju Komisije
3. Sektoru za ekonomske, finansijske i zajedničke poslove
4. a/a